



Broj: 11-14-744/19
Vogošća, 10.06.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 10.06.2019. godine donio je

ODLUKU

O IZBORU NAJPOVOLJNIJEG PONUĐAČA ZA IZVOĐENJE RADOVA NA MAŠINSKOM UKLANJANJU SA SORTIRANJEM OBJEKATA UNIŠTENIH ILI OŠTEĆENIH AKTIVIRANJEM KLIZIŠTA, NA PODRUČJU OPĆINE VOGOŠĆA

Član 1.

Ponuda ponuđača "Ame" d.o.o. Breza, ulica Branilaca grada bb Breza, odabrana je za izvođenje radova na mašinskom uklanjanju sa sortiranjem objekata uništenih ili oštećenih aktiviranjem klizišta, na području općine Vogošća, kao jedina formalno-pravno prihvatljiva ponuda, sa ukupnom cijenom nabavke u iznosu od 51.803,51 KM bez uračunatog PDV-a, odnosno 60.610,10 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 06.05.2019. godine donio Odluku o pokretanju Otvorenog postupka nabavke radova na mašinskom uklanjanju sa sortiranjem objekata uništenih ili oštećenih aktiviranjem klizišta, na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 07.05.2019. godine pod brojem: 1353-1-3-102-3-69/19.

Sažetak Obavještenja o nabavci objavljen je u "Službenom glasniku BiH" broj: 33/19 od 10.05.2019.

Tendersku dokumentaciju sa Portala javnih nabavki BiH je preuzelo 10 (deset) ponuđača. Krajnji rok za dostavu ponuda bio je 22.05.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 22.05.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 11-14-744/19 iz maja 2019. godine kao i Izmjeni Tenderske dokumentacije broj: 11-14-744/19 iz maja 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ame" d.o.o. Breza	54.953,51	/	/	64.295,61
2	"Harysco" d.o.o. Sarajevo	67.610,90	/	/	79.104,75

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Harysco" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i jedno lice koje ispunjava uslove za obavljanje poslova predradnika (poslovođe) građevinske struke, minimum IV stepen stručne spreme i 3 (tri) godine radnog iskustva.

Ponuđač "Harysco" d.o.o. Sarajevo je u svojoj Ponudi (strana 26. Ponude) dostavio Doplomu za Pašić Armina, bakalaureat/bachelor-inžinjer građevinarstva.

Kao dokaz o traženom radnom iskustvu za uposlenike ponuđač je u svojoj Ponudi (strana 39-40. Ponude) dostavio Listu osiguranih lica broj: 13-9/3-15-5-1343/19 od 15.03.2019. godine, izdatu od Porezne uprave Federacije BiH-Ispostava Novo Sarajevo.

Iz dostavljenog dokaza se može primjetiti da je kao datum početka osiguranja za uposlenika Pašić Armina naveden 23.10.2017. godine. Obzirom da je TD za jedno lice koje ispunjava uslove za obavljanje poslova predradnika (poslovođe) građevinske struke, minimum IV stepen stručne spreme jasno zahtjevano 3 (tri) godine radnog iskustva, Komisija za javne nabavke smatra da ponuđač "Harysco" d.o.o. Sarajevo nije ispunio traženi uslov, iz razloga što prema dostavljenom dokazu ukupni staž na dan izdavanja Liste osiguranih lica za uposlenika Pašić Armina iznosi 17 mjeseci.

- Tačkom 7.4.1. pod b) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova i između ostalog da ima na raspolaganju 1 kamion do 16 t nosivosti.

Tačkom 7.4.2. pod b) TD je traženo da ponuđač u svrhu dokazivanja ispunjavanja uslova iz tačke 7.4.1. pod b) TD treba dostaviti Izjavu na obrascu ponuđača da ima u posjedu odgovarajuće građevinske mašine (mehanizaciju) i opremu potrebnu za izvođenje predmetnih radova sa priloženom inventurnom listom ili ugovorom o najmu shodno tački 7.4.1 pod b) TD.

Tačkom 7.4.2. pod b) TD je također propisano da je ponuđač kao dokaz za 1 kamion do 16 t nosivosti iz tačke 7.4.1. pod b) stavka 2. dužan dostaviti važeću saobraćajnu dozvolu/potvrdu o registraciji.

Ponuđač "Harysco" d.o.o. Sarajevo je u svojoj Ponudi (strana 43. Ponude) dostavio ovjerenu kopiju Potvrde o registraciji, iz koje se jasno može uočiti da dopuštena nosivost kamiona Mercedes Benz Actros 3243 iznosi 18.500 kg i ista je veća od dopuštene a zahtjevano nosivosti koja je tražena tačkom 7.4.1 pod b) TD.

- Tačkom 8.1.4. TD, a u skladu sa članom 8. stav 6. i 7. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) propisano je da sve strane ponude moraju biti numerisane na način da je vidljiv redni broj stranice ili lista.

Komisija za javne nabavke smatra da je ponuđač "Harysco" d.o.o. Sarajevo u svojoj Ponudi napravio značajan propust iz razloga što je nakon stranice broj 26. propustio da ispravno numeriše stranice. Naime, nakon stranice broj 26. ponuđač je sljedeće stranice numerisao sa brojevima 30., 31. i 32., nakon čega je tek na red došla stranica numerisana sa brojem 27., te je isto direktno utjecalo na kontinuitet numerisanja stranica ponude.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Ame" d.o.o Breza ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača koji ispunjava formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljene ponude, nakon čega je utvrđeno da postoji računska grešaka u Ponudi ponuđača "Ame" d.o.o Breza.

Komisija za javne nabavke postupajuću u skladu sa odredbom člana 17. stav 5. Uputstva za pripremu modela tenderske dokumentacije i ponuda ("Službeni glasnik BiH" broj: 90/14) je izvršila ispravku računске greške, te je aktom broj: 11-14-744/19 od 23.05.2019. godine dostavila na davanje saglasnosti ponuđaču "Ame" d.o.o Breza.

Ponuđač "Ame" d.o.o Breza je svojim aktom broj: 72/19 od 24.05.2019. godine dao saglasnost na ispravku računске greške, tako da umjesto ukupne ponuđene cijene u iznosu od 54.953,51 KM bez uračunatog PDV-a, ukupna cijena ponude nakon prihvaćene ispravke od strane ponuđača iznosi 51.803,51 KM bez uračunatog PDV-a.

Obzirom da Ponuda ponuđača "Ame" d.o.o. Breza sa ukupnom ponuđenom cijenom u iznosu od 51.803,51 KM bez uračunatog PDV-a, prelazi procijenjenu vrijednost nabavke koja iznosi 50.000,00 KM bez uračunatog PDV-a, Komisija za javne nabavke je dana 24.05.2019. godine zatražila izjašnjenje od nadležne Službe da li može obezbijediti razliku sredstava u iznosu od 1.803,51 KM bez uračunatog PDV-a za realizaciju predmetne nabavke.

Služba civilne zaštite se aktom broj: 11-44-744/19 od 29.05.2019. godine očitovala da može obezbijediti traženu razliku sredstava za realizaciju predmetne nabavke.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ame" d.o.o. Breza, za izvođenje radova na mašinskom uklanjanju sa sortiranjem objekata uništenih ili oštećenih aktiviranjem klizišta, na području općine Vogošća, kao jedine formalno-pravno prihvatljive ponude, sa ukupnom cijenom nabavke u iznosu od 51.803,51 KM bez uračunatog PDV-a, odnosno 60.610,10 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Ame" d.o.o. Breza
2. "Harysco" d.o.o. Sarajevo
3. Nadležnoj Službi
4. U dosije
5. a/a

032/783-936

033/590-852

OPĆINSKI NACELNIK



Edin Smajic